



Broj: 10-05-30457/17
Sarajevo, 11.10.2017. godine

Ministrica zdravstva Kantona Sarajevo, rješavajući po službenoj dužnosti u predmetu imenovanja Ispitne komisije za polaganje stručnog ispita za zdravstvene radnike koji su završili srednju školu zdravstvenog usmjerenja - stručno zvanje sanitarno-ekološki tehničar, na osnovu člana 145. stav 1. Zakona o zdravstvenoj zaštiti ("Službene novine Federacije BiH", br. 46/10 i 75/13), čl. 17, 17a i 18 Pravilnika o pripravničkom stažu i stručnom ispitu zdravstvenih radnika ("Službene novine Federacije BiH", br. 6/11, 10/11-ispravka, 41/11 i 81/12), člana 200. Zakona o upravnom postupku ("Službene novine Federacije BiH", br. 2/98 i 48/99), kao i člana 70. st. 1. i 2. Zakona o organizaciji uprave u Federaciji BiH („Službene novine Federacije BiH). *donosi*

RJEŠENJE

1. Imenuje se Ispitna komisija za polaganje stručnog ispita za zdravstvene radnike koji su završili srednju školu zdravstvenog usmjerenja - stručno zvanje sanitarno-ekološki tehničar u sastavu:

- Dr sci. med. Snježana Balta, prim. Spec. epidemiolog - predsjednik
- Mr sci.dr Alma Bungur, spec. epidemiolog - član
- Dr Alma Kadić, spec. epidemiolog - član
- dr medicine Husein Čordić - član
- Amra Isić, dipl. iure- član
- Enis Rašidović, prof. - sekretar

2. Zadatak predsjednika i članova Ispitne komisije iz stava 1. ovog rješenja je da provedu provjeru znanja kandidata, po postupku i načinu u skladu sa odredbama Pravilnika o pripravničkom stažu i stručnom ispitu zdravstvenih radnika.

Administrativno-tehničke poslove za potrebe Ispitne komisije obavlja sekretar.

3. Ispiti se održavaju u Ministarstvu zdravstva Kantona Sarajevo, sa početkom u u 16³⁰ h, a predsjedniku, članovima i sekretaru komisije iz stava 1. ovog rješenja pripada naknada za njihov rad, koju posebnim rješenjem utvrđuje Ministrica zdravstva Kantona Sarajevo.

Usljed blagovremeno najavljene spriječenosti dolaska člana ispitne komisije u zakazanom terminu ispita (godišnji odmor, privremena spriječenosti za rad, odsustvo u slučaju bolovanja, i dr. odsustva u skladu sa zakonom, kolektivnim ugovorom, pravilnikom o radu ili ugovorom o radu.) Ministrica će imenovati zamjenu, za svako stručno zvanje posebno sa Liste ispitivača ministricice zdravstva Kantona Sarajevo.

4. Komisija se imenuje na period od dvije (2) godine.

5. Rješenje stupa na snagu danom donošenja.

6. Stupanjem na snagu ovog rješenja stavlja se van snage Rješenje Ministarstva zdravstva Kantona Sarajevo broj: 10-34-14189/15 od 22.05.2015. godine

Obrazloženje

Ministrica zdravstva Kantona Sarajevo, rješavajući po službenoj dužnosti, a u skladu sa članom 145. stav 1. Zakona o zdravstvenoj zaštiti ("Službene novine Federacije BiH", br. 46/10 i 75/13) i čl. 17, 17a i 18 Pravilnika o pripravničkom stažu i stručnom ispitu zdravstvenih radnika ("Službene novine Federacije BiH", br. 6/11, 10/11-ispravka, 41/11, 81/12 i 58/15), imenovala je Ispitnu komisiju za polaganje stručnog ispita za zdravstvene radnike koji su završili srednju školu zdravstvenog usmjerenja - stručno zvanje sanitarno-ekološki tehničar.

U Komisiju su imenovani stručnjaci koji se bave odgovarajućim područjem rada, koji ispunjavaju uslove iz člana 17a. st. 3. i 4. pomenutog pravilnika, a za koje je Ministrica zdravstva ocijenila da imaju sposobnost provjere znanja kandidata.

Članovi Ispitne komisije za stručni dio stručnog ispita su imenovani u skladu sa Listom ispitivača koju je Ministrica zdravstva Kantona Sarajevo utvrdila na prijedlog zdravstvenih ustanova primarne i sekundarne zdravstvene zaštite i kantonalnih zdravstvenih zavoda, sa područja Kantona Sarajevo, a članovi Ispitne komisije za opći dio stručnog ispita su imenovani shodno odredbama člana 17a. stav 4. Pravilnika.

Usljed blagovremeno najavljene spriječenosti dolaska člana ispitne komisije u zakazanom terminu ispita (godišnji odmor, privremena spriječenosti za rad, odsustvo u slučaju bolovanja, i dr. odsustva u skladu sa zakonom, kolektivnim ugovorom, pravilnikom o radu ili ugovorom o radu.) Ministrica će imenovati zamjenu, za svako stručno zvanje posebno sa Liste ispitivača ministricce zdravstva Kantona Sarajevo.

Imajući u vidu naprijed navedeno, odlučeno je kao u dispozitivu Rješenja.

Protiv ovog rješenja može se izjaviti žalba Federalnom ministarstvu zdravstva, u roku od 15 dana od dana prijema istog.

Žalba se predaje ovom ministarstvu neposredno ili poštom preporučeno i taksira se po 6,00 KM administrativne takse u skladu sa Zakonom o administrativnim taksama ("Službene novine Kantona Sarajevo", br. 30/01 - Prečišćeni tekst, 22/02, 10/05, 26/08 i 23/16).

Dostaviti:

1. Predsjedniku, članovima i sekretaru Komisije
2. Arhivi

